

Pais Aruba ta den baratiyo

Te hasta santana Gobierno ta bay hipoteca

ORANJESTAD(AAN)
Awor si Aruba ta bay den Buki di Record mundial como e pais caminda tur cos ta posibel y si Merca pa decadan largo por a kere cu nan tabata e pais sin frontera den tur sorto di aventura cu e ser humano por a imagina su mes riba tur sorto di tereno, lamentablemente nan ta yega awor na di dos lugar pasobra Aruba a gana tur pais riba tereno di paisnan caminda tur cos ta posibel pasobra te hasta santananan di pueblo go- bierno kier hipoteca pa haya placa.

Ta conoci den pueblo cu gobierno a lanta un sorto di fundacion pa bao di e capa cu e fundacion ta bay maneha tur propiedad di gobierno di Aruba, nan por busca prestamo den forma di hipoteca pa dje forma ey gobierno haya placa pa por uza o mal gasta?

Tur partido den oposicion, den y pafor di parlamento y otro gremionan cu no ta comprometi o cumpra, tabata cuestiona fuertemente e lantamento di e fundacion aki, pero poco hende por a kere cu gobierno di Aruba por a bay asina leu di hinca e locura y e abuso di marca mayor den nan cabes di kere di por bay hipoteca te hasta santana caminda cu pueblo ta dera su sernan ker.

Politiconan den oposicion tabata alerta pueblo cu e fundacion su meta ta pa laga go- bierno paga huur di su mesun edificionan cu lo bay cay bao di e fundacion y esaki ta ne- goshi di cangreu pasobra doño di cas no por bay pone su cas den man di otro pa e mes huur esaki pa paga pa algo cu e ta doño caba di dje; esaki ta mundo di Buchi Robez.

Ora cu opositornan tabata grita na radio y via medionan di comunicacion pa alerta pueblo ta mesora e maqui- naria di manipulacion cu in- formacion a lanta cabez y pone tur hende cu tabata critica loke gobierno kier haci, den e famoso rij di hen- denan cu ta negativo.

Esnan cu tabata critica tabata hendenan negativo, no sa kico ta progreso, nan ta contra Aruba, nan no ta pro- fesional, nan ta contra Plan di Bario, nan ta duna Aruba mal nomber den exterior, nan no tin vision, nan no sa con pa traha bon prepara y asina por

No.	Pais	Dienst/Directie
56	Bushiri	Douanekantoor
57	Loods no. 6	Douanekantoor
58	Rumblo Pon 44 A	Woonhuizen Overheid
59	* O'stad/SN/SabBas.	Begraafplaatsen
60	Hospitaalstr. 4	Laboratorium
61	Hospitaalstr. 4	Directie Volksgezondheid
62	Hospitaalstr. 4	Hygienische Dienst en Warenkeuring
63	Hospitaalstr. 4	Ambulancedienst
64	Avicenastraat 1	Inspectie Geneesmiddelen
65	Noord 68-A	Polikliniek Noord
66	Paradera	Polikliniek Paradera
67	Santa Cruz	Polikliniek Santa Cruz
68	San Nicolas	Centro Medico dr. Rudi Engelbrecht
69	v. Leeuwenhoekstr. 19	a. Bedrijfsgezondheidsdienst (B.G.D.)
		b. Dienst Besmettelijke Ziekten
		c. Jeugdgezondheidszorg
		d. Jeugd tandartsenzorg
70	Hospitaalstraat	Laboratorium/Bact. Dienst
71	Sabana Blanco	Bureau Interne Diensten
72	* Wilhelminastraat	Bevolking

sigui menciona un lista largo di titulo comun y coriente cu dia tras di dia ta worde uza pa tene pueblo cabez abao, pa un pueblo den un pais cu mester ta democratico no tripi di critica su gobierno ora cu pueblo ta haya cu cos no ta bay manera mester ta.

Ayera DIARIO a haya lista di tur propiedad di gobierno na Aruba y riba e lista di 72 propiedad si no ta mas, tin

edificionan y propiedadnan cu ta imposibel pa kere cu gobierno por tripi di bay hipoteca nan, manera por ehempel santanan na Playa, San Nicolas y Sabana Basora.

Pueblo di Aruba no kier tende awe cu na Canada o otro pais satananan tambe ta hipoteca manera cu tabata e caso cu AZV, caminda cu diripiente Aruba mester a sigui ehempel di Canada.

Ta con pueblo tin cu bay haci mayan ora cu santananan ta hipoteca cerca banconan den exterior y nan ta existi sumanan astronomico pa por dera un hende den santana? Famianan mester bay tuma un hipoteca pa por dera nan ser ker?

Bo por haci hopi tipo di negoshi, pero negoshi cu morto di hende te cu awe tabata destina pa funerari- anan y no gobierno y menos pa genera placa via morto pa gasta esaki via politica; esaki ta inacceptable den pasado, awe, mayan y semper pasobra den nos cultura hamas pueblo por guli algo asina!

Tambe tin poni riba e lista; cas di Gobernador! Gobierno ta conoci como mal pagador y si mayan nan keda sin paga hipoteca di cas di Gober- nador, e funcionario aki por haya su mes den e situacion cu e mester bay yama su Ma- hestad La Reina via telefoon y bisa; Majesteit ik heb een probleem, ik sta op straat met mijn koffers want den reger- ing van Aruba heeft de hypotheek op mijn ambtswoning niet betaald,

waar moet ik naar toe?

KIA tambe ta riba e lista! Si mayan no tin placa pa paga huurmento di KIA ta kico ta bay pasa cu presonan? Nan lo ser poni riba caya door di deurwaarder?

Vuurtoren tambe ta riba lista! Ta cua banco kier duna hipoteca pa un vuurtoren?

Y si hipoteca pa e vuurtoren no worde paga anto esun cu a duna hipoteca por laga paga e luz di vuurtoren pa asina tur hende pega barco letterlijk riba nos costanan manera cu pegamento di barco di parti di gobierno no ta suficiente caba?

Awor si pueblo por ta con- venci cu pais Aruba su patri- monionan nacional ta den baratiyo.

Loke falta ta pa pone hipo- teca riba cabes di cada Arubi- ano pa loke ta trata e cantidad di placa cu tog e mester paga durante su bida na Aruba; e ora ey nos ta cla pasobra des- pues di esey no tin nada mas pa bende o hipoteca.

TELEFONNAN DI DIARIO
826747- FAX 828551

DUMP KOMT ZO!!

